



Inatsisartunut ilaasortaq Aleqa Hammond

/MAANI

MSC pillugu § 37 naapertorlugu apeqqummut akissut

Nunatta MSC-mik aaqqissuussineq peqataaffinngippagu nunat sorliit aalisakkat tunisassiat pisiariumajunnaarniarlugit nalunaaruteqarsimanersut Inatsisartut suleriaasianni § 37 naapertorlugu apeqqutigaat. Apeqqut uvannut akisassanngortinneqarpoq.

22. december 2010

Sagsnr. 2010-
043168

Dok. Nr. 526463

Postboks 269

3900 Nuuk

Tlf. (+299) 34 50 00

Fax (+299) 32 47 04

E-mail:

apnn@nanoq.gl

www.nanoq.gl

Apeqqut:

Suliffissuit nunallu suut nunatsinnit aalisakkat tunisassiat pisiariumajunnaarniarlugit nalunaaruteqarnikuuppat nunatta MSC-mut aaqqissuussineq peqataaffinngippagu?

Sumilu nalunaarutitigut allatigulluunniit uppersaataani atugassaqaarnersoq ilanngullugu paasissutissiiniarpisi?

Akissut:

Kalaallit Nunaanniit aalisakkanik pisiariumajunnaarnissamik aalajangiineq nunap suliasaqaarfiani pineq ajorput suliffeqarfiilli eqqussuisuusut aalajangiineralugu. Kalaallit Nunaanniit aalisakkanik eqqussuisorujussuit assersuutigalugu Tului Nunaanni Tysklandimilu niuertarfissuarnut tunisisaqaat. Niuertarfissuit uku ilaatigut Tului Nunaanni niuerfinniittut ilaasa maanna piumasarileraat aalisakkat qaleruallillu MSC-mik ilisarnaaserneqarsimassasut. Tului Nunaanni niuertarfissuit annerpaat ilaat tassaavoq Marks & Spencer, taannalu Nunatsinnit raajanik pisisarpoq. Tunisassiat imaaneersut niuertarfissuup tuniniartagaasa piujuartitsinissamik tunngaveqarluni aalisarneqarsimanissaasa qularnaarneqarnissaat siunertaralugu Marks & Spencer maanna World Wildlife Foundationimik (WWF) suleqateqalerpoq. WWF kattuffiuvoq nerisassaarniarfissuaq Unilever peqatigalugu ukiut 15-it matuma siornali MSC-mik aallartitsisuuvoq.

Aamma oqaatigineqarsinnaavoq suliffeqarfissuaq Findusitut ittoq ilaatigut aalisakkat tunngavigalugit nioqqutissamik piariikkanik tuniniaavissuuvoq tunisassianik aalisarnernit MSC-mit akuerisaneersunik taamaallaat tuniniaasarnissamik anguniagaqalersimammat.

Aalisarnerup nungusaataangitsumik piujuartitsinissamik tunngaveqarluni avatangiisinulluunniit ajoqutaasumik pinnginneranik uppersaasoqarnissaa niuerfiusumit ilungersuutigineqarput.

Akissummi matumani nunatsinni aalisakkanik avammut nioqquteqartut taakkulu nunani allani sullitaasa akornanni pissutsit aalajangersimasut nassuiaatigissanngilakka, oqaatigissavarali taakkunannga ilisimatitsissutigineqarmat pingaartumik Tuluut Nunaannit, Sverigemit Tysklandimiillu tuniniaasartuniit sapaatit akunnikkuutaartumik apeqquteqartoqartartoq aalisakkat qaleruallillu nunatsinneersut qaqugu MSC-mit ilisarnaaserneqassanersut imuussutissarsiortuniillu naliliisoqartoq Nunatsinni aalisarneq unittuussanngippat ajorseriassanngippalluunniit MSC-mik akuersissuteqarnissaq pisariaqarluinnartoq.

Taamaattumik aalisakkanit tunisassiat Nunatsinneersut tamarmik MSC-mik nalunaaqutserneqartalernissaat siunertaralugu suleqatigiinneq nunatsinni aalisarnermik inuussutissarsiuteqartut Sustainable Fisheries Greenlandimi aaqqissuussimasaat Naalakkersuisunit tapersersorneqarpoq. Nunatsinnimi aalisarnermik inuussutissarsiuteqarnermi siunissami tunisassiat pitsaanerpaanik tunisiffissaqartinneqartuarnissaat Naalakkersuisut pingaaruteqarluinnartutut isigaat.

Aamma internetikkut nittartakkat uku innersuussutigissavakka www.hvaforenfisk.dk aamma www.msc.org

Inussiarnersumik inuulluaqqusillunga

Ane Hansen